


1623_18.jpg




18 **M. DC. XXIII.**
 vns l'abandonnés & se retirés en leurs pays,
 & les autres prenans party ailleurs, qu'en
 moins d'un mois elle fut toute desbandée.
 Quant à luy il passa en Holande avec ses Co-
 lonels, Capitaines, & autres personnes de
 commandement & d'expérience aux actions
 militaires.


Le 17. Decembre nasquit à Nieumegue au
 pays de Gueldres, vn enfant monstrueux,
 n'ayant qu'une teste & deux corps adossez,
 avec quatre mains, quatre pieds, & deux na-
 tures femelles: Il fut particulièrement remar-
 qué, que n'ayant qu'une teste, il auoit toutes-
 fois deux langues en la bouche. Ce monstre
 fut admiré de tous ceux qui le veirent.

Arthus raporte en son Mercurius Gallobel-
 gicus, que le iour de la Natiuité nostre Dame
 le huictiesme de Septembre fut pris dans la
 Vistule, non loin de Varsaue en Pologne,
 vn Poisson monstrueux, long de trente-cinq
 pieds, de largeur ayant quatre coudees & vn
 quart, & de hauteur dix coudees & vn quart,
 ayant vne teste en forme humaine couronnée
 & trois croix sur icelle, deux doubles, & celle
 du milieu triple; de sa bouche sortoit aussi
 vne croix rouge: au col & à la queue estoient
 des escailles comme de corne: il auoit sur son
 dos vn canon: l'extremité de ses nageoires
 estoient des picques comme liées ensemble,
 sur le costé de deuant il auoit deux enseignes
 marquées de certaines lettres, & separees
 d'une halebarde, & sur le costé de derriere il
 auoit vne espee trauersante sur des mou-


1623_19.jpg




1623_20.jpg




1623_21.jpg




1623_22.jpg




1623_23.jpg



1623_24.jpg



1623_25.jpg




Histoire de nostre temps.

25

rent resolution de choisir & nommer ceux de
ladite Religion pretendue qui n'auoient point
trempé dans la rebellion, ny leurs enfans, &
pour Catholiques des gens de bien & d'au-
thorité, ce qu'ils executerent: car arriuez les
premiers dans la maison de Ville, ils occu-
perent les places: ce que voyans ceux de ladi-
te Religion pretendue reformee, qui suruin-
rent aussi en grand nombre, tascherent à
rompre l'Assemblée, iusques à y interesser le
Gouuerneur, & le piccoter pour esmouuoir
sedition: Mais les Catholiques, nonobstant
tout ce qu'ils peurent dire, procederent à
la nomination, & nommerent d'une com-
mune voix ceux qu'ils auoient choisis dans
l'Eglise, à quoy s'opposerent les Esche-
uins qui sortoient de charge: ce nonob-
stant les nommez furent contraints de faire
le serment, dont ils furent si fort picquez,
qu'ils enuoyerent en cour pour en faire
plainte, accusant le Baillif & lesdits Officiers
de n'auoir pas permis que ceux de ladite Reli-
gion eussent la liberté de nommer, & que la
nomination auoit esté faicte contre les for-
mes, qui fut cause que le Roy enuoya audit
Loudun le Lieutenant General de Chinon
pour en informer: mais ayant voulu commu-
niquer les plaintes que les Catholiques fai-
soient contre ceux de ladite Religion, qui de-
uoient estre secretes, fut pris à partie: telle-
ment qu'il s'en retourna sans rien faire. Et
depuis le sieur Amelot Maistre des Reque-
stes, & Intendant de la Iustice en Poictou, y

1623_26.jpg



Mort du
Président
Jeanin.

Né à Autun
en Bour-
gogne.

Ses vertus.

Est choisi
par les Estats
du pays de
Bourgogne
pour estre
leur Con-
seil.

26 M. DC. XXIII.

fut enuoyé, avec pouuoir plus ample, qui pa-
cisia le tout & confirma la nomination faicte
pardeuant le Baillif; sinon que pour conten-
ter ceux de ladite Religion, & trois de ceux
qui auoient esté nommez, & qui demande-
rent leur descharge, furent ostez, & autres
nommez en leurs places; le tout conformé-
ment à la volonté du Roy.

Monsieur le President Jeanin s'estant reso-
lu au repos de l'esprit : & à chercher de la
tranquillité en sa vieillesse dans l'agreable so-
litude de l'une de ses maisons, assise sur les
hautes montagnes d'Autun, fut saisi à Paris
d'un mal si aigu en minuant ce voyage, qu'il
fut arresté par vne parotide qui le suffoca peu
à peu. Son corps fut honorablement conduit
à Autun en Bourgogne, lieu de sa naissan-
ce: Et peut-on dire qu'en l'alliance des Ro-
mains avec les Autunois, ceste Cité n'auoit
point tant receu d'honneur d'estre nommee
la sœur de la Capitale du monde, qu'elle en a
receu d'auoir esté la mere d'un des premiers &
des plus grands hommes de son temps.

Celuy qui a fait l'Eloge de ses actions, luy a
donné les tiltres d'homme iuste, sage, scauant,
courageux, bien disant, liberal, & officieux,
mesmes à ses ennemis.

Il le louë fort de ce qu'estant durant le re-
gne de Charles IX. appelé au Conseil du
Comte de Charny comme Conseil des Estats
de Bourgogne pour deliberer sur les lettres
du Roy, & sur la creance du Comte de Com-
marrin, qui apres la iournee S. Barthelemy

1623_27.jpg

Histoire de nostre temps. 27

portoit vn commandement expres de tuer tous les Huguenots, il s'opposa couragement à la rigueur de cét Edict, & mit les bras & les mains au deuant de ce malheur, remonstra que le Roy estoit pere commun des bons & des mauuais subjects; & comme Pere, qu'il falloit esperer que la pitié le toucheroit bientôt, & qu'elle adouciroit pour le moins son esprit iustement irrité, pourueu qu'on luy donnast loisir de faire son effect: Conseil qu'il fortifia par l'exemple de l'Empereur Theodoze qui fit mourir en ceste mesme sorte cinq ou six mille Chrestiens, paya le sang de ses pauvres subjects d'un repentir eternal, ordonnant aux Presidens des Prouinces de surseoir à l'aduenir l'execution de tels commandemens: Ce qui estoit adueni aussi comme l'auoit preueu ce grand esprit: car à deux iours de là courriers arriuerent avec lettres du Roy, Declarations expresses, & deffenses d'entreprendre en aucune façon sur la vie, ny sur les biens de ces miserales gens.

Incontinent apres ceste bonne action, il fut pourueu par le Roy de la charge de gouuerneur de la Chancellerie de Bourgongne, qui luy seruit d'un premier degré pour monter sur le Theatre, car l'ayant exercé peu de tēps, il fut tiré de là par son merite seul, & sans aucune finance pour estre Conseiller au Parlement de Dijon.

Sa propre vertu le fit estre President en la mesme Compagnie au contentement du public.

Le conseil qu'il donna de n'excuter point en Bourgogne la S. Berthelemy sur les huguenots.

Sa premiere charge de Gouuerneur de la Chancellerie de Bourgogne.

Conseiller au Parlement de Dijon. Puis President.

Image issue du site mercurefrancois.ehess.fr - Cliché (c) Cécile Soudan